



Vita de ploania y de paisc

De mondial de Oraziun dles Eres - vendres, ai 4 de merz: l'Uniun dles Eres invieia de cör düc, mo dandadöt dotes les eres, da tó pert y se lié ite tla oraziun co vegn tignida sora döt le monn do l'intenziun dles eres. I tesç por l'oraziun é gnüs arjignés ca da grups dles eres d'Inghiltera, d'Irlanda dl Nord y dl Wales y stá sot al tema "Proiet por le dagní - Speranza!". Les spenores co ven ete te Südtirol vá eniann a ben de proiec por eres y mituns tal Camerun y tla Tansania.

A La Pli tignunse cösta oraziun en vendres, ai 4 de merz, ales 14:30 te dljia.



Enformaziuns y termins

Preparaziun al Bato: düc i geniturs co á na picia ceatöra da bacé, pês co aspeta, toc y totes é enviés ala preparaziun dal Bato co ven tignida **en sabeda ai 12 de merz**, dales 15:00 ales 17:00, a **La Ila**, te calogna bas ete. Prenotaziuns ☎ 334 3200396.

KVW Senioreclub: en dedolönesc ai 22 de forá ales 15:00 él na encuntada tal salf dles manifestaziuns a Al Plan, con aorela cörta y tombola. S'anunzié pa Lidia ☎ 339 7899107.

Cörs dla Val Badia: le proiet „Cörs dla Val Badia“ é nasciü l'ann passé de merz por sostegní con spenores de nosta jont ches porsones o families co ea roades tla stonta por gauja dla situaziun Covid. Lapró á le proiet dé na man a plü families co á da afronté speises sanitaes co jea sora söes poscibilités fora. Ensciö án cina encö podü paié fora feter 29 mile euro de contribuc. Tles ultimes edemes éra gnüda plü chîta. La jont á por fortuna da laür y porchel ne jêra scialdi nia debojügn da daidé dô. Cösta é ben la situaziun ideala. Endere vegnel da finestra ete belo les atres stangades: le mangé é gnü plü cer, le scialdé é gnü plü cer, la forza eletrica é gnüda plü cera. Rodunt por cösc ô „Cörs dla Val Badia“ recordé che le proiet é atló y che jont á la poscibilitè da damané dô ince te chisc caji, che al vegni sorantut en pert o deplen cunc dal scialdé y/o forza eletrica. I formulars por fá domanda é sôn la plata www.solidariete.it, les domandes pón mené ete por mail o ince les dé jö tai ofizi KVW a Badia y Al Plan. „Cörs dla Val Badia“ oress ince i fá en apel ales istituziuns locales, provinziales y nazionales, da aldí i bojügn dles families en dificolté y da se stüdié provedimonc por ti jí adencuntra, dandadöt a cheres co n'á nia les poscibilités da trá le ciol ciamó plü stront.

Scora de Musiga Val Badia: les iscriziuns ven fates eniann por le pröm iade “online” dai 01.03.2022 cina ai 31.03.2022 tres le sorvisc dl'aministrazion provinziala “myCivis” <https://civis.bz.it/einschreibung-musikschule>. L'azes al sorvisc online é poscibl tres SPID, CIE (cherta d'identité eletronica) o con la “Cherta di sorvisc” ativada. Enformaziuns plü avisa sôn www.musikschule.it y te secretariat Scora de Musiga La Ila: ☎ 0471 847748.

Döt le bun a:

Maria Feichter Comploi, <i>Al Plan</i>	* 01.03.1947
Antonia Pedevilla	* 02.03.1941
Berta Kanetscheider Glira, <i>San Ciascian</i>	* 05.03.1937
Jep Ellecosta, <i>Stifler</i>	* 05.03.1940

y a düc chi co á santennom y complessc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

27.02.2022 - 8. domegna ia por l'ann

n. 14

Meterman pa se enstesc

☞ Sir 27, 4–7 | 1 Cor 15, 54–58 | Lc 6, 39–45

Dal Vangelo do San Lūca:

Te chel tomp³⁹á Gejú dit a sù discepui: Sciafia pa n verc da mené n verc? Ne tomarái mo nia entrami te na bñja? ⁴⁰Le scolar n'é nia sora so maester; vignönn co á emparé döt cant sará ma desco so maester. ⁴¹Ciodi veigheste pa l'agüz tal edl de to fre, mo dla tre te to edl ne t'anadaste nia? ⁴²Co sciafieste pa da ti dí a to fre: Fre, láschemo trá l'agüz fora de to edl!, deperpo che enstes ne veigheste nia la tre te to edl? Tö falzun! Tira empröma la tre fora de to edl; spo poste proé da trá fora l'agüz fora dal edl de to fre. ⁴³Al n'é nia de bogh lens co porta de stlec früc, no de stlec lens co porta de bogh früc. ⁴⁴Vigne len conescion a sù früc; dai ardiuns ne cheion degün fighi, y dala trognera da spinac ne cheion degüna öa. ⁴⁵N bun chescian porta de bun a löm, deache te so cör él de bun; n rio chescian porta de rio a löm, deache te so cör él de rio. De ci che le cör é plen, de chel cunta la bocia.

I ponsun do: *Gejú met entres endô l'azent sôn l'emportanza dal cör dla porsona. Chel co ó müdé le monn mess meter man pa se enstes. Gejú s'envieia da meter averda da nia se araté enstesc miús co ch'i ne sun. Al cunta sô prinzijs por nosta maniera da se comporté con les porsones: jí danfora pó ma chel co n'é enstes nia verc; slomené pó ma chel co conesc sù fai y söes deblezes.*

I periun: *Bel Dio, tö os ester present te vigne porsona. Deidesse odei ete nüsc fai y nostes deblezes y pordonesse vigne forma de presunziun.*

Por Gejú Crist, nosc Signur.

Vesco Wilhelm Egger "Sonntagsbibel"




☞ Letöres dla Pröma domegna de Carsema | domegna dla dljia te ciasa:
Deut 26, 4–10 | Rom 10, 8–13 | Lc 4, 1–13

Edema liturgica dai 27.02. ai 06.03.2022

DOM 27. 08:30	8. domegna ia por l'ann gran messa por dōta la ploania s.m. por † Anna Campidell, Pfaffenberg	Marchward, Iulian oferta por la ploania
Lön 28. 18:00	Roman, Silvana, Oswald, Antonia s.m. a Al Plan	
Ded 01. 07:30	Albin, Davide, Teresa s.m. en onú de San Padre Pio s.m. d'aniversar por † Giovanni Ploner, La Munt s.m. d'aniversar por † Stase Terza, André	
Dem 02. → 08:30 → 12:00 18:00	CAPIUN, al met man le tomp de Carsema → jaïn y astinonza dla cern Agnese da Prag, Ines s.m. con benedisciun y imposiziun dal cender s.m. por †† dla familia de Isidoro y Frieda Agreiter, Brach al ven soné les ciampanes: le vesco envieia al'oraziun por la jont dl'Ucraina a Al Plan: s.m. con imposiziun dal cender	
Jöb 03. → 19:00 19:30	Cunigunda, Tobia, Friedrich - de d'oraziun do vocaziuns corona por perié do vocaziuns s.m. d'aniversar por † Maria Ellecosta ved. Erardi, Marô s.m. por les Püres Armes	
Ven 04. → 14:30	pröm vendres - De mondial d'oraziun dles eres Casimir, Rupert signor ploan va a proverder oraziun por le de mondial d'oraziun dles eres	→ astinonza dla cern
Sab 05. 18:00 19:30	Oliva, Dietmar s.m. prefestia a Al Plan s.m. prefestia en onú dai Angeli Custodi en aiüt dla joneza s.m. por † Anna Agreiter Tschaffert, La Val	
DOM 06. 08:30 → → 19:00 10:00	Pröma domegna de Carsema domegna dla dlijia te ciasa gran messa por dōta la ploania 3 ^a s.m. de sopoltōra por † Jep Lanz, dal Pico s.m. por †† Dolo, Nane y Jep Ploner, Plazores y corona dla comunité por † Jep Lanz les ciampanes sona ete la Carsema y envieia al'oraziun s.m. a Al Plan	oferta por la ploania
<i>ministronc:</i>	• dedolönesc y sabeda: Damian y Sara • jöbia y domegna: Samuel y Rosina	
<i>i recordun:</i>	Isidor Ploner † 03.03.2012 Maria Anna Ellecosta ved. Erardi † 03.03.2015	



I ponsun con le Vangelo (Lc 6, 39-45)



- 1> Ne tomarái mo nia ... te na büja?
- 2> mo dla tre te to edl ne t'... nia?
- 3> Ciodi veigheste pa l'agüz tal ... de to fre
- 4> dala trognera da ... ne cheion degüna òa.
- 5> Tira empröma la ... fora de to edl
- 6> Vigne len ... a sü früc
- 7> Le ... n'é nia sora so maester;



Capiun - Carsema



Dio misericordius, tō i es dlungia a chi co s'umilieia y te i das tōa pēsc a chi co s'an pó mal. Alda nostes supliches y benedesc dūc chi co é gnūs a ciafé le segn dal cender. Deidesse tigní i caranta dis de penitonza tla derta desposiziun, ch'i podunse festejé Pasca con n cōr renové. Do cōsc te periunse, por Gejú Crist, nosc Signur. – Amen.

La liturgia de Capiun nes recorda le segn dla crusc. Tres endō y te deplü formes encunta i credenc te sōa vita le simbol dla crusc. Belo dal bato él i geniturs, le tot y la tota co segna le viadú con le segn dla crusc y co preia ensciō jō la proteziun de Chelbeldio sōn la creatōra co ti é afidada. Le segn dla crusc conten l'empormetüda: Tō es n fi / na fia de Dio ch'al á ienn.

Por i cristians é le segn dla crusc n segn de fede y de benedisciun, n segn de salveza y de reconziliaziun por dōta la jont. La crusc de cender che le preo segna en Capiun sōle ce dai credenc recorda la pasciun y la mort de Gejú y sōa ressureziun. Le cender ti recorda ai credenc so tomp cōrt sōla tera y le debojūgn de se convertí. Con cōsc simbol met man por i cristians le tomp paschal de penitonza, la Carsema. Te chisc 40 dis ven dūc i bacés enviés da ponsé sora ci ch'al o dí vire da cristiagn. Les trei formes de penitonza, le jiné, fá dal ben y l'oraziun, deida roé plü dampro a Chel Bel Dio y a avei n raport plü sterch empara.